




ԵԿԵՂԵՑԱԿԱՆ ԲԵՄ. ԼՈՒՐԵՐ

Մայիսի 8-ին, կիրակի.—Աշխարհամատ-
րան (Կանաչ Կիրակի).

Այսօր Մայր տաճարում, Ավագ խորանի
վրա, ս. պատարագ է մատուցում Ս. Նարեկ
քին. Մատարյանը:

*
* *

Մայիսի 8-ին, չորեքշաբթի.—Վեհափառ
Հայրապետը, ընդառաջելով Հարավային
Ամերիկայի հայրապետական պատվիրակ
Ս. Դավիթ եպս. Սահակյանի և Արգենտի-
նայի Հայաստանյայց Առաքելական Եկեղե-
ցու Կենտրոնական Վարչության խնդրան-
քին, բարեհաճել էր Մայր Աթոռի երիտա-
սարդ միաբան Ս. Գրիգորիս վրդ. Բունիաթ-
յանին ողարկել Բուենոս-Այրես՝ հովվական
գործով, ծառայելու համար այդ թեմում:

Այսօր Ս. Գրիգորիս վարդապետը մեկ-
նեց Մոսկվա՝ ողևորվելու համար Բուենոս
Այրես:

*
* *

Մայիսի 7-ին, հինգշաբթի.—Այսօր հոգե-
վոր ճեմարանի հանդիսությունների դահլի-
ճում «Հայ Եկեղեցու առաքելական ծագու-

մը» թեմայի շուրջ զեկուցումով հանդես է
գալիս Գերագույն հոգևոր խորհրդի անդամ,
պատմական գիտությունների թեկնածու
պրն. Հայկ Մելքոնյանը:

Զեկուցման ավարտին հարգելի դասախո-
սը պատասխանում է ներկաների տված մի
շարք հարցերին:

*
* *

Մայիսի 10-ին, կիրակի.—(Կարմիր Կի-
րակի).

Այսօր Մայր տաճարում, Ավագ խորանի
վրա, ս. պատարագ է մատուցում Ս. Մո-
միկ վրդ. Սարգսյանը և «Հայր մեր»-ից ա-
ռաջ քարոզում «Արին մարտիրոսաց հիմն
Եկեղեցույ» բնաբանով:

*
* *

Մայիսի 15-ին, ուրբաթ.—Այսօր հոգևոր
ճեմարանի դահլիճում իր երկրորդ դասա-
խոսությունն է կարդում պրն. Հայկ Մելքոն-
յանը՝ «Հայ Եկեղեցու ինքնուրույնությունը և
Կեսարիայի Աթոռը» թեմայով:

Մայիսի 16-ին, շաբաթ.—Այսօր, առավոտյան, հոգևոր ճեմարանի ուսանողները և դասախոսական կազմը միօրյա արշավի են մեկնում դեպի Գատնի-Գեղարդ, այցելում ճակ Հավուց թառ վանք և Ս. Ստեփանոս եկեղեցի:

Մայիսի 17-ին, կիրակի.—Տօն Երեման Ս. Խաչի.

Այսօր Մայր տաճարում, Ավագ խորանի վրա, ս. պատարագ է մատուցում Ս. Անանիա վրդ. Արաքսյանը և «Հայր մեր»-ից առաջ քարոզում օրվա տոնի նշանակության մասին:

Մայիսի 21-ին, հինգշաբթի.—Այսօր, երեկոյան, ճեմարանի դասիչում իր երրորդ դասախոսությունն է կարդում պրն. Հայկ Մելքոնյանը:

Դասախոսության թեման էր՝ «Հայ և օտար եկեղեցական հարաբերությունները ե—Զ դդ.»:

Մայիսի 24-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ստեփանոս արեղա Չաքալյանը և «Հայր մեր»-ից առաջ քարոզում «Ընդ իս եթ է ոք մտանիցե՝ կեցցե» (Հովն. Ժ 10) բնաբանով:

Մայիսի 25-ին, երկուշաբթի.—Այսօրվա հից էջմիածնի հոգևոր ճեմարանում սկսվում են 1980—81 ուսումնական տարվա տարեվերջի գրավոր և քանավոր քննությունները, որոնք կշարունակվեն մինչև հաջորդ ամսվա կեսերը:

Մայիսի 26-ին, երեքշաբթի.—Այսօր, ի գլուխ Սիդնեյի Հայ եկեղեցու «Երիտասարդաց Մարմնի» 12 երկսեռ անդամների, ուսուսավորաբար Մայր Աթոռ է ժամանում Ավստրալիայի և Նոր Զելանդիայի թեմի առաջնորդական տեղապահ Ս. Ադան ծ. վրդ. Բալիոզյանը:

Մայիսի 28-ին, հինգշաբթի.—Համարձույն Քրիստոսի.

Այսօր, օրվա մեծ տոնի առթիվ, Մայր Աթոռում, Ավագ խորանի վրա, ս. պատարագ է մատուցում Ս. Մովսիկ վրդ. Սարգսյանը և «Հայր մեր»-ից առաջ քարոզում օրվա մեծ տոնի հոգևոր-կրոնական նշանակության մասին:

Պատարագից հետո կատարվում է մաղթանք 1441 թ. Հայրապետական Աթոռի Սսից Սուրբ Էջմիածին փոխադրության պատմական տարեդարձի առթիվ:

Մայիսի 31-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Մովսիկ վրդ. Սարգսյանը և «Հայր մեր»-ից առաջ քարոզում «Ծանաչել զիմաստություն և զխրատ, իմանալ զբանս հանճարոյ» (Առակ. Ա 2) բնաբանով:

Հունիսի 8-ին, երկուշաբթի.—Հունիսի 8—12 օրերին կինում գումարվում է Եկեղեցիների համաշխարհային խորհրդի անդամ ուղղափառ եկեղեցիների խորհրդակցական ժողով, որին մասնակցում են հույն Օրթոդոքս, ռուս Պրավոսլավ և արևելյան հնագույն եկեղեցիների, այդ թվում նաև Հայ եկեղեցու ներկայացուցիչները:

Սույն խորհրդակցական ժողովին մասնակցում էր նաև Մայր Աթոռի կողմից Ս. Անանիա վրդ. Արաքսյանը:

Ժողովի հիմնական նպատակն է եղել նախապատրաստությունը ուղղափառ եկեղեցիների 1982 թ. գումարվելիք ավելի մեծ խորհրդակցությանը՝ մասնակցելու համար 1983 թ. Վանկուվերում (Կանադա) կայանալիք եկեղեցիների համաշխարհային խորհրդի հերթական համագումարին:

Հունիսի 11-ին, հինգշաբթի.—Այսօր Գերագույն հոգևոր խորհուրդը Վեհաբանում կազմակերպել էր հանդիպում Վեհափառ Հայրապետի հետ, Նրա վերջերս արտասահման կատարած ուղևորությունից Մայր Աթոռ վերադարձի առիթով:

Երեկոյան ժամը 17-ին Մայր տաճարում տեղի է ունենում հանդիսավոր ժամերգություն՝ Վեհափառ Հայրապետի նախազանգրված:

Ժամերգությանը ներկա էին Մայր Աթոռի ողջ միաբանությունը, Ս. Հովհաննիսյան, Ս. Գալանե, Ս. Շողակյան և Ս. Աստվածածին եկեղեցիների քահանայից դասը, Արարատյան թեմի հոգևորականության ներկայացուցիչները, Ս. Գեղարդ վանքի միաբանները: Ժամերգության ավարտին Հոգեգալստյան տոմի հոգևոր նշանակության մասին քարոզ է խոսում Արարատյան թեմի առաջնորդական փոխանորդի օգնական Ս. Գարեգին արք. Ներսիսյանը:

Այնուհետև, ժամերգությունից հետո, տեղի է ունենում հիշյալ հանդիպումը Վեհափառ Հայրապետի հետ: Նախ քացման խոսքով հանդես է գալիս Ս. Սիոն արքեպ. Մանուկյանը, այնուհետև Ս. Զատիկ արք. Ավետիքյանը ամփոփ և ժամանակագրական ձևով ներկայացնում է ուղևորության նկարագրությունը:

10 րոպե ընդմիջումից հետո, հավաքության երկրորդ մասում, Վեհափառ Հայրապետը պատմում է դեպի Եվրոպա կատարած իր վերջին այցելության տպավորությունների, այցելած երկրների հայ համայնքների եկեղեցական, ազգային, մշակութային կայքի, քույր եկեղեցիների հոգևոր պետերի և պետական քարձրատիճան ներկայացուցիչների հետ իր հանդիպումների մասին:

Հայոց Հայրապետի հետ սույն հանդիպմանը ներկա էին Գերագույն հոգևոր խորհրդի և Վերստուգիչ հանձնաժողովի անդամները, Մայր Աթոռի ողջ միաբանությունը, հոգևոր ճեմարանի դասախոսները, մայրավանքի ղեկավար պաշտոնությունները, Մայր Աթոռին առընթեր ճարտարապետների հանձնաժողովի անդամները, բազմաթիվ մտավորականներ, արվեստագետներ և այլ հյուրեր:

Վեհափառ Հայրապետի հետ հանդիպումը անցնում է ջերմ ու սրտագին մթնոլորտում, և Նրա հաղորդումը լսվում է հոգեկան մեծ բավականությամբ:

*
* *

Հունիսի 12-ին, ուրբաթ.—Այսօր Մայր Աթոռ Ս. Էջմիածնի հոգևոր ճեմարանի ուսանողությունը մեկնում է Յ-օրյա ավանդական պտույտի, դեպի պատմական վանքերն ու եկեղեցիները, հանրապետության տեսարժան վայրերը:

Այս տարի, ըստ կազմված ծրագրի, ուսանողությունը մեկնում է դեպի Վայոց ձոր՝ Եղեգնաձորի շրջան, այցելում Նորավանք, Ցախաց քար, Այալազի Ս. Նշան եկեղեցի, Թանահատի վանք, Սմբատի բերդ, Գոնե-

վանք և այլ հիշարժան վայրեր ու պատմական հուշարձաններ:

Ուսանողությունը ճեմարան է վերադառնում անմոռանալի տպավորություններով և հայրենական քաղցր հուշերով:

*
* *

Նույն օրը, երեկոյան, ուխտավորաբար Մայր Աթոռ են ժամանում Նյու Յորքի հայ երիտասարդաց կազմակերպության 17 երկսեռ անդամներ՝ Վեստ-Չեստեր եկեղեցական նոր համայնքի Ս. Հակոբ եկեղեցու հոգևոր հովիվ Ս. Գարեգին քհն. Գաուպարյանի գլխավորությամբ:

Երիտասարդները, որպես Մայր Աթոռի հյուրեր, հյուրընկալվում են «Հայկաշեն» ամառանոցում:

Խումբը միաժամանակ մասնակցում է Միջուրբահայության հետ մշակութային կապի կոմիտեի կազմակերպած հայ գրականության, հայ ժողովրդի պատմության, երգի-պարի դասընթացներին:

*
* *

Հունիսի 14-ին, կիրակի.—Սկիզբն Յուրթեան Կիրակից: Յիշատակ Եղիայի մարգարէին:

Այսօր Մայր տաճարում, Ավագ խորանի վրա, ս. պատարագ է մատուցում Ս. Զատիկ արք. Ավետիքյանը և «Հայր մեր»-ից առաջ քարոզում ընդհանրապես մարգարեների և հատկապես Եղիա մարգարեի կյանքի և գործունեության մասին:

Ս. պատարագին ներկա էր Վեհափառ Հայրապետը:

*
* *

Հունիսի 15-ին, երկուշաբթի.—Սրբոց կուսանացն Հովհաննիսյանց:

Այսօր Ս. Հովհաննիսյան վանքում, տոմի առթիվ, ս. պատարագ է մատուցում ուխտավորաբար Մայր Աթոռում գտնվող Ս. Գարեգին քհն. Գաուպարյանը և «Հայր մեր»-ից առաջ քարոզում «Արիւն մարտիրոսաց հիմն եկեղեցույ» բնաբանով՝ շեշտելով Սուրբ Հովհաննիսյանց կույսերի նահատակության հոգևոր, հայրենասիրական նշանակությունը:

*
* *

Հունիսի 16-ին, երեքշաբթի.—Սրբոց կուսանացն Գալիանեանց:

Այսօր Ս. Գալանե վանքում ս. պատարագ է մատուցում:

բազ է մատուցում վանքի վանահայր Տ. Գորգեն քին. Աշուրյանը և «Հայր մեր»-ից առաջ քարոզում օրվա տոնի առթիվ:

.*

Հունիսի 17-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

.*

Հունիսի 18-ին, հինգշաբթի.—Տօն Սըրբոյն Յովհաննու Կարապետին և Աթանագինեայ եպիսկոպոսին.

Այսօր Ս. Շողակաթի եկեղեցում ս. պատարագ է մատուցում վանքի վանահայր Տ. Առնոյ քին. Հարությունյանը և «Հայր մեր»-ից առաջ քարոզում օրվա տոնի առթիվ:

.*

Հունիսի 20-ին, շաբաթ.—Սրբոյն Գրիգորի Լուսաուրչին մերոյ էլն ի Վիրապէն.

Այսօր Մայր տաճարում, Ավագ խորանի վրա, ս. պատարագ է մատուցում Տ. Նաբեկ քին. Մատարյանը:

.*

Նույն օրը, առավոտյան, Լոնդոնից ուխտավորաբար Մայր Աթոռ է ժամանում Մայր Աթոռի միաբան Տ. Հովնան արդ. Տերտերյանը:

.*

Հունիսի 21-ին, կիրակի.—Տօն կաթողիկէ Ս. Էջմիածնի.

Այսօր Մայր տաճարում, Ավագ խորանի վրա, ս. պատարագ է մատուցում Մայր տաճարի լուսարարապետ Տ. Հոսիկ արքեպ. Սանթրոքյանը և «Հայր մեր»-ից առաջ քարոզում Մայր Աթոռ Ս. Էջմիածնի կառարած նախախնամական, փրկարար դերի մասին Հայ եկեղեցու և ժողովրդի կյանքում, սկզբից մինչև մեր օրերը:

Այնուհետև կատարվում է մաղթանք Սրբո Էջմիածնի:

Ս. պատարագին ներկա էր Վեհափառ Հայրապետը:

.*

Հունիսի 24-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում Տ. Հովնան արդ. Տերտերյանը խոսում է Լոնդոնի հայ համայնքի եկեղեցական, ազգային, մշակութային կյանքի մասին:

.*

Հունիսի 28-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Գարեգին քին. Գատարյանը և «Հայր մեր»-ից առաջ քարոզում «Եկեալք շինեսցուք զսուրբ Խորանն լուսոյ, քանզի ի սմա ծագեաց մեզ զոյս ի Հայաստան աշխարհի» (Ծարական) քնարանով:

Ս. պատարագին ներկա էր Վեհափառ Հայրապետը:

